

和石湖詞

宋東吳 陳三聘 夢敬

滿江紅 冬至

薄日輕雲天氣好相將祈穀民情喜頌聲洋溢清風
斯穆飲酒不多元有量吟詩無數添新軸對故人一
笑我真愚君無俗 斜川路經行熟黃花在歸心足
問淵明去後有誰能屬神武衣冠驚夢裏江湖漁釣
論心曲但從今散髮更披襟誰能束

又

天豈無情天若道有情亦老功名事問天因甚蒙人

不了好伴雲煙耕谷口休將翰墨傳江表
筭鬢邊能得幾春風驚秋早陶令尹張京北懷舒嘯貪榮耀
盡南柯一夢漏殘鐘曉滕閣暮霞孤鷺舉庾樓明月
飛鳥繞念老來于此興無窮知音少

又

紺靛浮空山擁髻晚來風急吹驟雨藕花千柄豔妝
新范窺鑑粉光猶有淚凌波羅襪何曾濕訝漢宮朝
罷玉皇歸凝情立樽前恨歌三疊身外事輕飛葉
悵當年空擊誓江孤楫雲色遠連平野盡夕陽偏傍
疎林入看月明冷浸碧琉璃君須吸

又

斜日鎔金三萬頃棹歌齊舉風不動采蘋雙漿翠鬟
相語月殿欲浮蟾兔魄海神不放魚龍舞到今宵秋
氣十分清無今古君試喚扁舟侶來伴我瀟湘渚
共夷猶春浪笑歌秋浦霸越獨高身退後塵纓未濯
人誰許數酒盃不到子陵臺劉伶土

千秋歲重到桃花塢

當年漁隱路轉桃溪匯流水下青山外客行花徑曲
月上松門對撐艇子雪中蓑笠親曾載老去誰傾
盃腰瘦頓移帶人健否花仍在明年春更好來向花前

醉青鬢改恁時難折千金買

浣溪沙 燭下海棠

酒力先從臉暈生
粉妝新麗笑相迎
曉寒高護彩雲輕
不語似愁春力淺
有情應恨燭花明
更于何處覓傾城

又

翠幕遮籠錦一叢
樽前初見淺深紅
淡雲和月影蔥籠
醉態只疑春睡裏
啼妝愁聽雨聲中
更曉銀燭醉東風

又新安驛席上留別

不怕春寒更出游
蘭橈飛動却驚鷗
煙光佳處輒遲留
屏曲未曾歌醉夢
眉尖空只鎖閒愁
從教絲柳絆行舟

又

越浦潮來信息通
吳山不見暮雲重
人生何事各西東
煙外好花紅淺淡
雨餘芳草綠蔥籠
苦無歡意敵春風

又元旦後三日
王文明席上

點檢尊前花柳叢
于中偏占牡丹風
等閒言語慣迎逢
扇影不搖珠的皪
釵梁斜擲玉玲瓏
夢魂長向

楚江東

又

不躍銀鞍與繡鞵曲筇芒屨見衰年尋幽未立渡頭
船碧澗芹羹珍下筋紅蓮香飯樂歸田不妨樽酒
興悠然

又

簾塵低垂月影踈梅枝和雪玉相扶兒家春信入來
無半墜寶釵慵覽鏡任偏羅髻却拈書琴心誰共
問相如

朝中措

丙午立春
二月九日
春大
雪是歲十
丑時立春

朝來和氣滿西山柱頰小闌干柳色野塘幽興梅花
紙帳輕寒三盃淡酒玉腴蔬嫩青縷堆盤細寫池
塘詩夢玉人剪做春幡

又

求田何處是生涯雙鬢已先華隨分夏涼冬暖賞心
秋月春花吾年如此愁來問酒因後呼茶結社竹
林詩老卜隣江上漁家

又

去年曾醉杏花坊柳色間輕黃重覓舊時行迹春風
滿路梅花平沙岸草夫差故國知是吾鄉夢斷數

穀柔櫓只應已過橫塘

又

草堂春過一分餘幽事酒醒初琴調細鳴焦木矢穀
不斷銅壺 關心藥裏忘年蓑笠自著潛夫雨後長
鏗東麓月明短艇西湖

又

秋山橫截半湖光湖渚橘枝黃紈扇羅搖蟬影練衣
已怯風涼 揀紅裂蟹銀絲鱸莫負傳觴醉裏乾
坤廣大人間寵辱兼忘

蛛戀花

閭闔城西山四面鴨綠鱗 輕拍橫塘岸一陣東風
羊角轉望中已覺孤帆遠 獨恨尋芳未較晚柘老
柔柔農務村 遍山鳥勸沽酒官賤炊烟深巷聽綠
賣

南柯子

別後驚人遠歸心怯櫓柔晚天涼思冷于秋冷浸一
溪明月水瀾流 醉裡狂仍在吟餘趣極幽夜深何
用數更籌別有好風吹酒不須求

又

烟樹觀前浦風蘋聽遠洲等閒來上水邊樓悵望天

涯何處有歸舟 香斷燈花夜報停 扇影秋歌絨尺
素說離愁不見雙魚空有江大流

又七夕

月傍雲頭吐風將兩脚吹夜深烏鵲向南飛應是星
娥顰恨入雙眉 舊怨垂千古新歡只片時一年屈
指數佳期到得佳期別了又相思

水調歌頭

玉鑑十分滿清露一年秋漂流蹤跡誰念楚尾與吳
頭此夜刮明塵眼望極好張詩膽何處有高樓浩蕩
銀潢冷縹緲白雲浮 笑勞生誰坎止亦乘流闌干

拍碎清夜起舞不勝愁萬里閩河依舊一寸功名烏
有清淚滴衣裘老去心空在歸夢遠蘋洲

又燕山九日作

有客念行役勁氣凜于秋男兒未老銜命如虜亦風
流決定平戎方畧恢復舊燕封壤安用割鴻溝莫厭
驢驢馬好衣白狐裘 我何人懷壯節但疑愁平生
未達知己噲伍實堪羞金馬文章何在玉鼎勳庸何
有一笑等雲浮拚斷好風月羯鼓打梁州

西江月

詩眼曾逢花面畫圖還識春嬌當年風格太妖饒粉

賦酥柔更好 酒暈不溫香臉 玉慵猶怯輕縉春風
別後又秋高再見只應人老

又

春事已濃多日遊人偏盛今年梨花寒食雨餘天鴨
綠含風浪淺 翠袖半黏飛粉羅衣尚怯輕寒不辭
歸路委香鈿門外東風如箭

鵲橋仙 七夕

銀潢仙仗離多會少朝暮古情休妬夜深風露洒然
秋又莫是輕分淚雨 雲收霧散漏殘更盡遙想雙
星情緒憑誰批救訴天心待留住今宵休去

宜男草

搖落丹楓素秋後舞長亭尚餘衰柳別夢回憶得霜
柑分我應 有濃香喚手 宿醒誰解三盃酒曉山
橫望中銜斗人去也縱得相逢似舊問當日紅顏在
否

又

綠水黏天淨無浪轉東風穀紋微漲箇中趣莫遣人
知容我日日扁舟獨往 平生書癖已無恙解名韉
更逃羈網春近也梅柳頻看枝上玉葉金絲暗長

秦樓月

雲衣薄春晴自有東風掠東風掠試聽枝上幾聲鶯
鵲 曲屏心事新題却離愁何用堆眉角堆眉角今
朝莫是打頭風惡

又

花前狹翠茵圓坐花陰合花陰合閒情不似一雙狂
蝶 春溝何處尋紅葉春寒料想羅衣怯羅衣怯午
醺醒未翠衾重疊

又

光風薄楊花款謝春應覺春應覺一庭紅杏粉花吹
落 冶遊無復飛紅索凭高獨上湖邊閣湖邊閣黃

昏獨倚畫闌西角

又

青樓缺樓心人待黃昏月黃昏月入簾無奈柳綿吹
雪 誰人弄笛聲嗚咽傷春未解丁香結丁香結鱗
鴻何處路遙江濶

又

春膏集新雷忽起龍蛇蟄龍蛇蟄柳塘風快水流聲
急 傷心有淚憑誰灑尊前容易青衫濕青衫濕渡
頭人去野舡鷗立

念奴嬌

浮雲吹盡捲長空千頃都凝寒碧鬼杵無聲風露冷
天也應憐人寂故遣姮娥駕蟾飛上玉 元同色天
津何事此時偏界南北 不但對影三人我敬君和
我舞君須拍滌洗眉中愁萬斛莫問今宵何夕老矣
休論著鞭安用一笑真狂客夜深歸去爛然溪上阡
陌

又

晴風麗日弄東君折遍梅心桃萼獨有名花開殿後
一笑嫣然如昨黃袂層層霞冠高擁多態春才覺雨
中風帽故人來趁花約 好是羅綺添春香風環坐

半醉金釵落老去心情難似舊手搯花枝為樂齋馥
縈妝愁花凝恨莫惜金荷酌酒闌花睡夢魂重到京
洛

又

水空高下望沉：一色渾然蒼碧天籟不鳴涼有露
金氣橫秋寂：玉宇瓊樓望中何處月到天中極御
風歸去不愁衣袂無力 此夜飄泊孤篷短歌誰和
自笑狂蹤跡只尺藍橋仙路遠宵：雲英消息踈影
婆娑恍然身世我是樽前客一轂悽怨倚樓誰弄長
笛

又

餘霞飛綺望長天頃刻雲容凝碧今夕江華風力軟
明日波心頭白客舸東流語離深夜遣我新愁積春
融花艷定知天相行色別後一帋鄉書故人相問
好趁秋鴻翼空有佳人千點淚錦字機中曾織利鎖
名韉古今同是誰失知誰得來朝愁望舊樓何處西
北

又和徐尉遊石湖

扁舟此計問當年誰與尋盟鷗鳥許國勲名彞鼎在
風月不妨吟笑碧草臺邊紅雲溪上壽杖扶詩老水

浮天處未應俗駕曾到盛事埒美知章鑑湖君賜
宸翰今題號指點飛烟輕靄外有路直通仙島蓑笠
漁舡琴書客坐清夜樽罍倒未須回去片蟾未上林
表

惜分飛

莫唱驪駒客首聚花徑重來微步從此朝天去故山
怨鶴栖猿侶試卜西園春在否無奈濛濛細雨明
日長停路斷魂芳州人何處

夢玉人引

別來何處酒醒後夢難覓晚日溪亭清曉便挂帆席

滿載離愁指去程還作江南行客目斷層城數迤
山驛素巾空染淚痕斑應是暗中滴記得輕分玉
簫猶自淒咽昨夜東風梅柳驚春色料伊也沒心情
過却好天良夕

又

倚欄干久人不見暮雲碧芳草池塘春夢暗驚詩客
昨夜溪梅向雪裏輕勻顏色好贈行人折枝南
枝北雨中風帽昔追遊誰念舊蹤跡料得踈籬暗
香時度風息淡月微雲有何人消得便歸去路溪橋
慰我經年思憶

如夢令

紅紫不將春住風定更飄無數溪漲綠含風短艇晚
橫沙渡歸去歸去宵念西池鴛鴦

又

珍重故人相許向水亭幽處文字間金釵消盡晚天
微暑無雨無雨不比尋常端午

菩薩蠻

筇枝探得梅開了青鞋漸踏江頭草日日作東風海
棠相次紅離多良會少此計應須早莫行作行人
却將愁送春

又

春城辨得紅蕖了紅蕖未點春先到新月入新年方
終今夜圓 雲屏誰為隔腸斷金釵客好語寫春禧
都教席上看

又

楊花滿院飛紅索春光不似人情薄樓閣斷霞明梨
花開晚晴 玉虬香散後扶困三盃酒不是聽思歸
歸心思此時

臨江仙

夜飲只愁更漏促留連笑骨蔷薇歌聲繚繞徹簾幃

坐中清淚落梁上暗塵飛 重覩舞腰驚束素不應
更褪羅衣別來容易見來稀次公狂已甚不醉亦忘
歸

又

白首故人重會面論交爾汝忘形從今心跡喜雙清
飛鴻追往事為蝶笑餘生 琥珀盃濃春正好此懷
端為君傾舊時猿鶴敢寒盟鳩居從拙計鵬翼任高
程

減字木蘭花

凝雲不動玉海無聲千丈凍來倚闌干襟袖息塵微

肯寒 歸心易折後夜月明應恨別
卷畫圖邊著我
被蓑上釣舡

又

東籬黃菊細撚香枝人事熟少緩芳樽且醉儂家麪
朱春 老人齋戒底事秋來移角帶歸夢相閔明月
松江萬頃寬

又

盈之裊之歆問卿之還好之無奈媯何摺之湘帟薄
薄羅 樽前頷曲舞作回風花拍促壓盡時流甚裏
輸伊一百籌

又

先生困熟萬卷書中聊託宿似怯清寒更熱都梁白
博山 游仙夢杳啼鳥聲中春又曉未著烏紗獨坐
溪亭數落花

又

殷勤舉白昨夜東風猶有雪莫恨春遲曾見梅花第
一枝 陰晴未決早晚清明新火活夢遶秦樓款款
歸潮上客舟

鷓鴣天

酒暈從教上臉丹春愁何事點眉山都將別後深

意且向樽前細看 多少恨說應難粉中空染淚
攔斑爐院爭鴛鴦長閉却明月樓心夜正寒

又

指剝春蔥去採蘋衣絲秋藕不沾塵眼波明處偏宜
笑眉黛愁來也解顰 正峽路憶行雲幾番曾夢曲
江春相逢細把銀缸照猶想今宵夢似真

又

昨夜東風怨不成曉來猶自掃殘英半酸梅子連枝
重無力楊花到池輕 情已感涕先零玉虬香冷更
淒清事如芳草綿綿 遠恨比浮雲冉冉生

又雪梅

剪碎霜綃巧作團玉纖特地破朝寒踈花好向釵橫
見瘦影難敲月墮看 將舊恨入眉灣不須多樣纓
金襴當時千點東風淚怪見妝成粉未乾

好事近

我欲御天風飛上廣寒宮闕撼動一輪秋桂照人間
愁絕 歸來須著酒消磨玉面點紅纈起舞為君狂
醉更何須邀月

又

枝上幾多春數點不融香雪縱有筆頭千字也難誇

清絕 艷桃穠李敢爭妍
清怨笛中咽 試策短筇溪
上看影浮波月

卜筮子

雪後竹枝風醉夢
風吹醒瘦立寒階
滿地春淡月梅
花影 門外轆轤寒
曉汲喧金井長笛
何人更倚樓
玉指風前冷

又

澗下水聲寒壑底
松風靜時有清香
度竹來步月尋
踈影 往事屬東風
試問花應省曾是
花前把酒人
別夢溪堂冷

三登樂

南北相逢重借問
古今齋楚燭花紅
夜闌共語悵六
朝興廢但倚空高
樹目斷帝鄉夢迷
鴈浦 故人踈
梅驛斷音書有數
塞鴻歸過來又去
正春濃依舊作天
涯行旅傷心望極
淡烟細雨

又

注望曉山晴色麗
晨餐應飽穀紋平
漲天渺 倚藤
枝撐艇子昔 游
曾到江山自古水
雲轉好 悵年
來心縱在盟寒
鷗鳥故人中黑頭
漸少問幾時尋舊
約 石磯重掃一竿
釣月鬢霜任老

又

久藝郡虬猶未肆新雷初啟鼓東風雨膏為洗望橫塘越溪路石湖烟水西接洞庭下連甫里憶當年歸計早扁舟從此祖清風相門有幾團堂高應解笑紛二蛄蟻錦囊雪月更看醉裏

又

一品歸來強健日小園幽圃扁舟興恐天未許想當年持漢節衆齊咻楚丹忠此日盛名千古扶詞章師海內緯文經武莫寒盟故山舊侶到鱸鄉還是秋風斜雨鳴刀鱸雪未應便去

浪淘沙

風雨晚春天芳興慵慳淺紅稠綠滿園間獨有梨花三四朵留住春寒年少躍金鞍咫尺閨山倦飛如我已知還洒向東風千點淚衣上重看

虞美人 寄人覓蹤

融：睡覺東風息行到溪亭側一枝梅玉似人人索笑依然消瘦不禁春相逢試問情多少應怪山翁老翠蘿高護結花隣一任餘芳爭學捧心顰

又

天公意向人情滿燈月人同看中秋雖是十分明不

比今宵處，有華燈。艷桃穠李歌闌後，更醉青樓。
酒不妨飲盡，玉東西橫，笛聲中。春色要君知。

又

飛瓊曉壓梅枝重，酒面羊羔凍。誰將縞帶逐車翻，明月秦樓昨夜不勝寒。何須捲起重簾幙，愁怕春羅薄。玉杯持勸醉，厭厭無柰有人籠袖出香尖。

又紅木犀

乾紅剪碎煩纖玉，相並黃金粟。漢宮素面說明妃，馬上秋風應解著。臘脂黃昏小樹堪愁絕，不比梅花月滿天。風露透肌涼，揮取隻枝歸去，是誰香。

醉落魄 元夕

東風寒絕，江城待得花枝發。欲知此夜碧天闊。

雪

大參相公望重百僚，名滿四海，有志之願見而不可得者也。一日客懷詩詞數十篇相示曰：此大參范公近所作也。三聘正容，歛衽登受謝。客曰：夫珍奇之觀得一而足，况坐群玉之府，心目為之洞駭，足之至者止於此乎？客之賜厚，無以加。既去，披吟累日，輒以蕪言屬韻，可笑其不。

和石湖言
自量矣然使三聘獲登龍門賓客之後塵與聞
黃鐘大呂之重平時之願至足于此則今日狂
率之意無乃自為他時之地哉至于良玉武夫
雜然前陳茲固不免于罪戾尚可道耶東吳陳
三聘夢敬謹

和石湖詞終